



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: \_\_\_\_\_.

Datum: \_\_\_\_\_.

PRIJEDLOG

Na osnovu člana 14. stav 4. Zakona o eksproprijaciji ("Službene novine FBiH", broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), rješavajući po prijedlogu Općinskog pravobranilaštva Općine Tešanj, za utvrđenje javnog interesa u cilju izgradnje centralnog postrojenja za prečišćavanje otpadnih voda, Općinsko vijeće Općine Tešanj, na redovnoj sjednici održanoj, dana, \_\_\_\_\_ 2015.g., donosi

## **ODLUKU**

**1. UTVRĐUJE SE DA JE OD JAVNOG INTERESA** izgradnja Centralnog postrojenja za prečišćavanje otpadnih voda za općinu Doboj Jug, Usoru i Tešanj, u naseljenom mjestu Kraševo, općina Tešanj, pa se radi izgradnje navedenog postrojenja a na osnovu Studije izvodljivosti i Revizije navedene Studije, uređene od Instituta za hidrotehniku Građevinskog fakulteta u Sarajevu d.d., može pristupiti potpunoj eksproprijaciji parcela navedenih u prijedlogu Općinskog pravobranilaštva općine Tešanj za utvrđivanje javnog interesa.

**2.** Utvrđuje se da je Općina Tešanj korisnik eksproprijacije parcela iz tačke 1. ove Odluke.

**3.** Sastavni dio ove Odluke je grafički prikaz parcela za izgradnju postrojenja iz tačke 1. ove Odluke.

**4.** Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

**PREDSJEDAVAJUĆI  
OPĆINSKOG VIJEĆA:**

\_\_\_\_\_  
SENAD Subašić, dipl.ecc

## **O B R A Z L O Ž E N J E**

### **PRAVNI OSNOV:**

Član 14. stav 4. Zakona o eksproprijaciji ("Službene novine FBiH"; broj: 70/07 i 36/10) i član 14. Statuta općine Tešanj ("Službeni glasnik Općine Tešanj", broj: 11/07).

Član 14. stav 4. Zakona o eksproprijaciji propisano je da Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

### **RAZLOZI DONOŠENJA:**

Kod Službe za katastar, urbanizam i imovinsko pravne- poslove, podnesen je prijedlog od strane Općinskog pravobranilaštva Općine Tešanj, za utvrđivanje javnog interesa u cilju izgradnje Centralnog postrojenja za prečišćavanje otpadnih voda u skladu sa Studijom izvodljivosti za projekat izgradnje centralnog postrojenja za prečišćavanje otpadnih voda za tri općine: Doboj Jug, Usora i Tešanj, uređen od Instituta za hidrotehniku Građevinskog fakulteta u Sarajevu d.d.

Općinsko Vijeće općine Tešanj na 16. sjednici pod brojem:01-31-3-115-4714 od 28.02.2014.godine, usvojilo je Odluku kojom je utvrđen interes za izgradnju primarnih kolektora sistema prikupljanja i odvodnje otpadnih voda na području općine Tešanj, na osnovu koje se pristupilo rješavanju imovinsko pravnih odnosa i izradi Studije izvodljivosti za izgradnju postrojenja za prečišćavanje otpadnih voda.

Studija izvodljivosti za projekat izgradnje Centralnog postrojenja za prečišćavanje otpadnih voda, uređena je od Instituta za hidrotehniku Građevinskog fakulteta u Sarajevu d.d., a njenom multikriterijskom analizom utvrđeno je da je za prečišćavanje otpadnih voda najpogodnija lokacija na lokalitetu u Kraševu (kako je označeno na grafičkom prilogu).

Imajući u vidu naprijed navedeno, predlaže se Općinskom Vijeću kao nadležnom tijelu, da u smislu naprijed izloženog, usvoji prijedlog ove Odluke kojim se utvrđuje da je od javnog interesa izgradnja centralnog postrojenja za prečišćavanje otpadnih voda u Kraševu, i da se može pokrenuti postupak eksproprijacije u korist korisnika eksproprijacije Općine Tešanj.

### **O B R A Đ I V A Č:**

**Služba za katastar, urbanizam i imovinsko- pravne  
poslove  
POMOĆNIK OPĆINSKOG NAČELNIKA**

NADIR Medarić, dipl. ing. geodezije

**P R E D L A G A Č:**  
**OPĆINSKI NAČELNIK:**  
**OPĆINE TEŠANJ**

mr.sc.SUAD Huskić, profesor

Broj: 02-31-3-1670-8/15.

Dana, 10.07.2015.g.